



**Nersussuit puulukillu nujuitsut neqaannik ilivitsunik aamma affarnik nioqqutissat 1999-mi eqqussuinermi akitsuutaarutsinneqarnerisa sunniutaannik nalilersuinermik Naalakkersuisut UKA2022-mi saqqummiussinissaat pillugu Inatsisartuni aalajangiiffigisassatut siunnersuut. Nalilersuinermi ilaatigut akitsuutaarutsitsinermi ataatsimut piffinnilu suliffissaqartitsinikkut sunniutit kiisalu neqinik igaannariangorlugit sullivanik eqqussuisarnermut sunniutit ilanngunneqassapput. Taamattaq nalilersuinermi nunatsinni neqinik tunisassianik sularinnittarneq annertunerulersinniarlugu eqqussuinermik killiliissutaasinnaasut qulaajarnissaat ilaatinneqassaaq.**

(Inatsisartunut ilaasortaq Mariane Paviasen, Inuit Ataqtigiit)

## **Siullermeenera**

Mariane Paviasen, Inuit Ataqtigiit Naleqqamiit qujaffigerusupparput aalajangiiffigisassatut

siunnersuummut saqqummiussaanut.

Nersussuit puulukillu nujuitsut neqaannik ilivitsunik aamma affarnik nioqqutissat 1999-mi eqqussuinermi akitsuutaarutsinneqarnerisa sunniutaannik nalilersuinermik Naalakkersuisut UKA2022-mi saqqummiussinissaat pillugu Inatsisartuni aalangiiffigisassattut siunnersuut



ilaatigut akitsuutaarutsitsinermit ataatsimut piffinnilu suliffissaqartitsinikkut sunniutit kiisalu neqinik igaannariaannangorlugit sulianik eqqussuisarnermut sunniutit ilanngunneqarnissaat siunnersuuteqartup kissaatigaa, taamatullu nalilersuinermit nunatsinni neqinik tunisassianik suliarinnittarneq annertunerulersinniarlugu eqqussuinermik killilersuutaasinnaasut qulaajarnissaat ilaatinneqassasoq siunnersuuteqartup kissaatigaa.

Neqimik nioqqutissianut akitsuutit 1985-imi atuutinneqalersut, kingusinnerusukkut 1998-imi nersussuup puulukillu neqaannut Kalaallit Nunaanni aggorneqarnissaat siunertarlugu ilivitsutut affaannangorlugilluunniit eqqussorneqartarnerannut akitsuutaarutsitsinneqarnikuupput.

Taamatut aaqquissuussisimanerit Kalaallit Nunaanni uumasut ilvitsut affaannaangorlugilluunniit eqqussorneranni akitsuusersorneqannginnerat suliffissaqartitsiniarnerup siuarsarneqarnissaanik periarfissiinissaq aaliangersarnerani siunertaasimagaluarpoq.

Illoqarfinni anginerusuni neqaarniat neqilerisut ilinniarsimasut aammalu init tamakkuninnga suliffiusinnaasuni periarfissaqartut inatsit iluaqutigalugu nersutit puulukillu neqaannik iluaquteqartarnerat illoqarfinnut mikinerusuniit taamatut periarfissaqanngitsuninngaaniit tikillugit illoqarfiit anginerusut periarfissagissaarnerat malunnartaqaaq.



Illoqarfinni mikinerusuni nunaqarfinnilu pisiniarfinnut  
periarfissaqanngitsuni nioqqutissat tupinnanngitsumik  
akitsuusersugaasunik peqarlutillu nersussuit puulukillu neqaat  
akisunerunerat malunnartaqaaq.

Neqit igariaannanngorlugit eqqussukkat akitsuusersugaanerat  
peqqutaataalluni illoqarfinni mikinerni aammalu nunaqarfinni  
akisunerungaarnerat malunnartaqaaq.

Illoqarfinni mikinerni isorliunerusuni nunaqarfinnilu nioqqutissat  
amiilaannaannartumik akitsoralutuinnarput, tamanna pillugu  
ukiorpassuangortuni misissuinerit ingerlanneqarnissaanik  
siunnersuuteqartuortoqarsimavoq, misissuiniarnerit qimallugit qanoq  
iliuuseqarnissaq tullinnguuttariaqartoq Naleqqamiit isumaqarpugut.

Illoqarfinni mikinerni isorliunerusuni nunaqarfinnilu nioqqutissat  
akikinnerulissappata neqinut tamanut akitsuut peertariaqartoq Naleqqamiit  
isumaqarpugut.

Nunatta iluani neqit pissarsiarineqarsinnaasut aammalu aalisakkat  
ajornanginnerusumik pisiniarfinni nioqqutaalernissaat ilanngullugu  
qulaajaffigineqarnissaa Naleqqamiit aqqutissiortariaqarnera pillugu  
saqqummiussaqaartuarnerput neriuppugut uani suliami iluatsillugu aamma  
isiginiarneqassasoq.



Nammineq pisuussutunik ulikkaarpugut aammalu taakku pisuussutitta akisoorsuunatik piniarfinnut avataaniit eqqussukkatsinnut qanoq iliornikkut akikinnerusumik periuseqarluta pisiniarfinni pisiarineqarsinnaangorlugit aqquitiornissaat suliarisariaqartut pingaartut ilagaat.

Akilerartarnermik aqqissuusseqqinnissaq Naalakkersuinikkut anguniagaqarfigaarput ilaatigut nunatsinni pissakinnerusut inuuniapiloornerat ukiorpassuarni isiginngitsuusaarneqarsimasoq qanoq iliuseqarfiginiarlugu aqqissuusseqqinnissaq eqqarsaatigalugu.

Taamaamat Naalakkersuisut akilerartarnermi aqqissuusseqqinnermi nutaamk suliaqarnerup ingerlannerani manna suliaq ilanngullugu ingerlanneqarnissaanik Naalakkersuisut allannguutissatut siunnersuutaat pissusissamisoortutut isigalutigu Naleqqamiit neriulluarnermik peqalerluta tamakkiisumik tapersorsorlutigu suliap ingerlaqqinnissaa taperserlutigu oqaaseqarfigaarput.

*“Nersussuit puulukillu nujuitsut neqaannik ilivitsunik aamma affarnik nioqqutissat*

*eqqussornerani akitsuutaarutsinneqarnerisa sunniutaannik, akilerartarnermi aamma*

*akitsuusersuinermi aqqissuusinnermut ataqatigiissillugu Naalakkersuisut nalilersueqquneqarnerat pillugu Inatsisartuni aalajangiiffigisassatut siunnersuut.”*



Naleraq

UKA 2021/109  
Jens NapätôK', Naleraq